

## 11ª EDICIÓN DOS PREMIOS EDUCACOMPOSTELA DE RECURSOS EDUCATIVOS EN PROL DA INNOVACIÓN, A CALIDADE EDUCATIVA E A RENOVACIÓN PEDAGÓXICA

### Bases:

1. O Concello de Santiago de Compostela e Nova Escola Galega convocan os **Premios Educacompostela** co fin de recoñecer, promover, premiar e difundiren publicamente aqueles materiais educativos que polo seu valor e interese poidan contribuir ao desenvolvemento educativo de Galicia, favorecendo a innovación, a calidade na educación e a renovación pedagóxica.
2. *Temática:* Os materiais didácticos<sup>1</sup> poderán estar dirixidos aos diferentes niveis do ensino e poderán tratar sobre aqueles temas que o profesorado considere oportuno abordar no desenvolvemento do currículo nos seus centros educativos, ben sexa en educación infantil, primaria, secundaria ou en etapas postobrigatorias. Así mesmo, tamén se poderán presentar materiais elaborados e destinados a outros contextos educativos non escolares.
3. *Dotación dos premios:*

<i>Primeiro premio:</i>	1.200,00 €
<i>Segundo premio:</i>	900,00 €
<i>Terceiro premio:</i>	600,00 €
<b>TOTAL</b>	<b>2.700,00 €</b>

4. A concesión da subvención financiarase con cargo á aplicación orzamentaria 080.32600.48901, dos orzamentos do exercicio 2018, existindo crédito suficiente e adecuado.
5. Os premios están suxeitos á retención fiscal que corresponda.
6. Os premios poderán ser declarados desertos.

---

<sup>1</sup>"Aqueles recursos didácticos impresos ou dixitais elaborados intencionalmente para o ámbito formal ou o educativo non escolar, co propósito fundamental de contribuíren a facilitar os procesos de construción do coñecemento e de adquisición de valores do alumnado e do profesorado. Adoitan presentarse baixo variadas formas e sistemas simbólicos e están ao servizo dun programa ou proxecto educativo. No caso de materiais didácticos dixitais entenderase un contido educativo dixital coa finalidade última da aprendizaxe. Valorarase especialmente a funcionalidade dese obxecto dentro dun proxecto educativo determinado".

7. Os materiais presentados deberán ser orixinais e inéditos. Deberán estar redactados ou elaborados en lingua galega. Non poderán participar aqueles traballos que foran premiados con anterioridade.
8. Cada material ou conxunto de materiais deberá ir acompañado dun texto explicativo dun máximo de 15 páxinas que dea conta das súas características, estrutura, obxectivos, destinatarios/as, integración no currículo e proceso de elaboración, experimentación e avaliación seguido.
9. Poderá participar individualmente ou en grupo quen teña producido materiais didácticos sobre os temas relacionados.
10. Os orixinais para optar aos premios deberán presentarse no Rexistro Xeral do Concello de Santiago de Compostela. O prazo de presentación de orixinais ábrese coa publicación destas bases no boletín oficial da provincia de A Coruña ata o 31 de outubro de 2018.
11. No sobre exterior farase constar:

Concello de Santiago de Compostela  
Departamento de Educación e Cidadanía  
"11ª Edición dos Premios Educacompostela"  
Rúa do Presidente Salvador Allende nº 4  
15705 Santiago de Compostela

12. Aceptaranse os orixinais que cheguen por correo ordinario se levan a data de entrada de Correos anterior á finalización do prazo de presentación. Tamén se admitiran aqueles traballos que cheguen con rexistro de entrada en calquera dos lugares indicados no artigo 16 da Lei 39/2015 de procedemento administrativo, sempre que a data de entrada no organismo de que se trate, sexa anterior á finalización do prazo de presentación.
13. Tanto os concursantes individuais como os equipos deberán acollerse a un pseudónimo. No interior dun sobre pechado, rotulado por fóra co pseudónimo, incluírase:
  - Datos da entidade ou do/a autor/a ou autores/as concursantes e copia dos documentos que acrediten a súa personalidade.  
En caso de que a persoa concursante sexa un colectivo sen personalidade xurídica, deberá facer constar o importe do premio que corresponderá, se é o caso, a cada membro da agrupación, que terá a consideración de beneficiario. Asemade, nomearán unha persoa representante ou apoderada única, con poderes para cumprir as obrigas que correspondan á agrupación como beneficiaria.
  - Domicilio profesional, teléfono e correo electrónico.
  - Título do traballo presentado.
  - Pseudónimo.
14. A presentación dos traballos supón a aceptación das bases desta convocatoria.

15. O xurado está composto polo concelleiro de Educación e Cidadanía do Concello de Santiago de Compostela, dous representantes de Nova Escola Galega, dous representantes do Departamento de Educación e Cidadanía do Concello de Santiago, o director/a do Departamento de Didáctica e Organización Escolar da USC, un representante dos centros de formación e recursos de Galicia e un representante das editoriais de Galicia.

16. Criterios en base aos que se valorarán as solicitudes presentadas:

- a) Que os traballos presentados atendan á concepción de material didáctico que se recolle nas propias Bases dos Premios Educacompostela 2018.
- b) O contido dos materiais didácticos axeitarase á realidade sociocultural e educativa de Galicia e estarán escritos en lingua galega.
- c) Xustificarse axeitadamente a proposta de actividades suxeridas nos materiais didácticos.
- d) O grao de experimentación e avaliación que acompañe aos materiais didácticos presentados.
- e) O nivel de implicación da comunidade educativa (profesorado, alumnado e familias), na elaboración e uso dos materiais didácticos.
- f) Que os materiais didácticos presentados a concurso non fosen premiados en ningún outro concurso, certame, premio, entre outros.
- g) O grao de acomodación das propostas dos materiais didácticos aos proxectos educativos aos que se refira.
- h) O grao de participación do centro educativo no desenvolvemento da proposta.
- i) O grao de integración das novas tecnoloxías na concepción, deseño e uso dos materiais didácticos presentados.

17. As decisións do xurado serán inapelables.

18. As cuestións non previstas nestas bases será resoltas polo xurado de acordo co seu libre criterio.

19. O ditame do xurado será proposto para a súa aprobación pola Xunta de Goberno Local de Santiago de Compostela.

20. Os Premios Educacompostela resolveranse no exercicio 2018.

21. As entidades que convocan comprométense a lles daren publicidade ás obras premiadas.

22. *As persoas concursantes nos XI Premios Educacompostela poden solicitar a devolución dos orixinais non seleccionados. Terán que comunicalo por escrito a través da seguinte dirección de correo electrónico: [dptoeducacion@santiagodecompostela.gal](mailto:dptoeducacion@santiagodecompostela.gal) durante o prazo de tres meses dende a decisión do xurado. Os traballos poderán ser retirados persoalmente ou por unha persoa autorizada. Rematado o prazo, as obras non reclamadas serán destruídas.*

*Departamento de Educación e Cidadanía. Tfno.: 981 55 44 00/01  
[dptoeducacion@santiagodecompostela.gal](mailto:dptoeducacion@santiagodecompostela.gal)  
[www.santiagodecompostela.gal](http://www.santiagodecompostela.gal)  
Nova Escola Galega. Tfno.: 981 56 25 77  
[neg@neg.gal](mailto:neg@neg.gal)  
[www.nova-escola-galega.org](http://www.nova-escola-galega.org)*